



Privedena jedna osoba

SIPA je saopštila da su njeni pripadnici pretresli jedan objekat i priveli dvije osobe, provodeći dalju istragu radi identifikacije svih osoba koje se pojavljuju na spornom snimku italijanskog novinara o švercu oružja iz BiH u Italiju.

Te osobe su privedene u službene prostorije **SIPA** i saslušane u svojstvu osumnjičenih.

Podsjetimo, pripadnici **SIPA** i 14. oktobra uhapsili su jednu osobu u nastavku istrage u vezi sa reportažom o švercu oružja iz BiH u Italiju. Iz **SIPA** je ranije saopšteno da je tokom akcije Snimak uhapšeno pet osoba, a da se italijanski

novinar Luidi Pelaca (Luigi Pelazza), koji je snimio reportažu o švercu oružja iz BiH u Italiju, nalazi na prijavi u **SIPA** kao osumnjičeni za trgovinu oružjem.

Dok organi istrage tvrde da je talijanski novinar narkomanima platio da odglume u fingiranoj TV sceni, objavljenoj u italijanskoj emisiji "Hijene" na televiziji Italia 1, Luidi Pelaca tvrdi da ništa nije lažirano i da je njegova redakcija spremna da Tužilaštvu dostavi sirovi materijal snimljen u BiH, te da je spreman da plati kaznu ako treba, jer je pucao iz oružja kako bi provjerio ispravnost puške. **D. P.**